



مرچی بی این ایم شریں گلے ذرو شتم ۽ گراونڈ ۽ ساڑی ۽ وتی  
کاراں ہم دیم ۽ برگ ۽ انت۔ ڈاکٹر نسیم



شنگکار: زر مہش پہلی کیشن



## مرچی بی این ایم شریں گلے ۽ ڈروشم ۽ گروند ۽ ساڑی ۽ وتی کاراں ہم دیم ۽ برگ ۽ انت۔ ڈاکٹر نسیم

زر مہش ۽ نیمگ ۽ مرگاپ ۽ شہیدانیات ۽ برجم داشتگیں مراکش ۽ زرمہش بلوچی ۽ شوکار سربازو پاء ۽ جست ۽ پسو ۽ بلوچ راجی زرمہشت (بی این ایم) ۽ بنجاشی سرکماش ڈاکٹر نسیم ۽ تران۔

**جست:** واجہ بی این ایم ۽ بانی سروک شہید واجہ گلام محمد ۽ ہوار آدگہ بنجاشی سروکانی شہیدی ۽ بیگواھی ۽ پدی بی این ایم گوں کجام شوئند اتاں (پالیسیاں) کارکنگ ۽ انت؟

**چئیرمین ڈاکٹر نسیم:** مرگاپ ۽ شہید ۽ آدگہ درسیں شہیداں سہریں ڈروت، ڈروتے پہ ہما گار ۽ بیگواہیں بلوچ پسگاں کہ سالانی سال پاکستانی آزار جاہاں سکی ۽ سوری اوپارکنگ ۽ انت۔ مرگاپ ۽ شہیدانی سالروچ ۽ درگت ۽ اگاں شہید واجہ گلام محمد بہ بیت، شہید لالامیر بہ بیت، شہید واجہ شیر محمد بہ بیت یاچہ آیاں پدچینچو بلوچ پسگ ۽ لاش ماں مرگاپ ۽ دور دیگ بوتگ، چہ ایشی ۽ پد مرگاپ یک شہیدانی جاگے ۽ شہیدانی پلسھے ۽ نام ۽ زانگ بیت۔

بی این ایم ہما شہیدانی پلسپہ، کار ۽ لیکہ ۽ زورگ ۽ دیم ۽ روگ ۽ اهد ۽ بیان، چہ اولی روچ ۽ آئی مول ۽ مراد بلوچستان ۽ آجونی بوتگ۔ ہما شہیدانی لوٹ ۽ واگ بوتگ ہائی ۽ زورگ ۽ دیم ۽ روگ ۽ انت۔ اے میان ۽ بی این ایم، بی ایس اد ۽ آدگہ آجونی لوٹوکیں گلانی بگیری ۽ پاکستان ۽ یک بلاہیں پرشت ۽ پروشے (کریک ڈاونے) بوتگ کہ آئی ۽ ورنہ، کماش، پیریں، کسان ۽ مزن، اسپیت ریش ھچ کس نہ زانگ ۽ گتگ ۽ براں کرتگ انت بندگجاہاں یاوتی کشت ۽ کوشی شوئند ات (پالیسی) ۽ رد ۽ کشتگ ۽ چگل داتگ انت یا انگت ۽ گار ۽ بیگواہ انت۔ ایثانی تہ ۽ یک مزنیں لڑے بی این ایم ۽ راہشون ۽ باسکانی انت کہ مرچی مامرگاپ ۽ شہیدانی نام ۽ گراں، گزابی این ایم ۽ سروک ہم گون انت۔

بی این ایم ۽ بنجاشی کابینہ ۽ باسک، بنجاشی پتر ۽ باسک، لس باسک ہوار انت۔ بلوچ لس مھلوک گون انت، اے کچ سکا باز انت، ہمے وڑ ۽ گار ۽ بیگواہیں مردمانی تہ ۽ بی این ایم ۽ نامی نیں راہشون ۽ کارکنو (ایکٹیویسٹ) گون انت، آڈاکٹر دین جان بہ بیت، آسگت پور بہ بیت، آسگت رمران بہ بیت، یک بلاہیں لڑے کہ بی این ایم ۽ آدگہ آجونی لوٹوکیں گلاں دیونی ۽ پلسپہ ۽ بنیاد ۽ داتگ انت۔ ایثانی تہ ۽ لس مھلوک ۽ بے کساس کر بانی، مھنت، آیانی ہون ۽ ریچگ، آیانی ہید ۽ ریچگ، آیانی در پہ در بوگ، آیانی لوگ ۽ جاگاہ، میکانی میتگ سوچگ ۽ تباہ کنگ بوگ اے سکا بلاہیں کر بانی انت کہ بلوچ راج دیگ ۽ انت۔

اے درسیں چیزاں زور گریں پاکستان یک پدی پسو (ری اکشن) ۽ پہ جنر (موومنٹ) ۽ دارگ ۽ کنگ ۽ انت، آجنر پہ بلوچستان ۽ آجونی ۽ انت۔ اے آجونی ۽ جھد ۽ دیم ۽ برگ ۽ بی این ایم ۽ یک بلاہیں کردے، شہید واجہ گلام محمد ۽ بلاہیں کردے کہ آئی بنیادی راہ گیشینتگ ۽ کاروان ۽ دیم ۽ برگ ۽ بوتگ ۽ آوتی کاروان ۽ دیم ۽ برگ ۽ یا آجونی ۽ پلسپہ ۽ سر ۽ تر ۽ تاب یا گند ۽ گدار (موبلائزیشن) ۽ کنگ ۽ کار ۽ سو بین بوتگ۔ اے کار ۽ بی این ایم سو بین بوتگ، بلوچ ۽ گدان گدان ۽، بلوچستان ۽ کنڈ کنڈ ۽ آجونی ۽ گپ سر انت۔ مرچی اگاں کسے کنیت کارے کنت، ہر پتیمیں جھدے

کنت، اے اہل ۽ پرسوز بلوچ آجوتی لوٹوکیں گلاں بی این ایم ۽ بی این ایم ۽ واجہ گلام محمد ۽ وڑیں سروکاں اے پرسوز گوازیٹنگ ۽ نول مادیمتری گام ۽ ایں۔ انچوش کہ پاکستان ۽ گپ ۽ آت ایں، گڑابی این ایم ۽ سر ۽ یک بے جا ریں پابندی ۽ یک بلاھیں کریک ڈاؤن ۽ پدھا اسٹریٹیجی بی این ایم ۽ گراؤنڈ ۽ بدل کرتگ۔ ہماکار ہماوہد ۽ جاورانی حساب ۽ بوتگ آنت، آیان ۽ نول دگہ رنگ ۽ دیم ۽ برگ ۽ انت۔

اود ۽ بی این ایم ۽ لیکہ ساڑی انت، اود ۽ بی این ایم ۽ مردم، باسک ۽ دوزواہ یک مز نہیں کچے ۽ ساڑی آنت۔ آدگہ گپے کہ انچوما اسٹریٹیجی ۽ گپ ۽ کنگ ۽ ایں، وهد ۽ جاورانی حساب ۽ چوپیسری پدراکیں وڑے ۽ گول بی این ایم ۽ نام ۽، گول بی این ایم ۽ ممبر شپ ۽ یک پالیسی یے ۽ پارست ۽ دیم ۽ نیا آنت کہ آہماپیسری وڑے جنگ ۽ برگ، ارزانی ۽ دژمن ۽ دست ۽ بیانت، آسٹریٹیجی مرچی ماراگون نہ انت۔

پد ۽ دو سے چیز آنت ماراچارگ لوٹ آنت، لیکہ کہ آئی بنیاد راجدوستی انت۔ آئی ۽ بنیاد ۽ بی این ایم جوڑ انت، آجوتی لوٹ ایت ایک ابدی (پرمنٹ) راھے، آلیکھے، آئی توھج وڑے مٹ کرت نہ کن ۽ تراگون انت۔ پد ۽ اسٹریٹیجی کنیت، اسٹریٹیجی ہما دیر گندی پالیسی بنت، وڑے پیم بنت، آداں مز نہیں وهدے ۽ یاداں گڈ سر ۽ تراگون بنت، پد ۽ ٹیکٹس بنت، ٹیکٹساں توھک وهد ۽ مٹ کرت کن ۽، تو اسٹریٹیجی ۽ مٹ کرت کن ۽۔ زندگیں راج، زندگیں پارتی آوتی لیکہ ۽ دیم ۽ برگ ۽ وتی منزل ۽ رسگ ۽ وتی شور بندیں مٹ کن آنت۔ نوک نوکیں اسٹریٹیجی وهد ۽ جاورانی حساب ۽ جوڑ کن آنت۔

ٹیکٹسانی مٹ کنگ، بلے اے ٹیکٹس مٹ کنگ ۽، اے اسٹریٹیجی ۽، اے پالیسان ۽ کسے اے گوشت نہ کنت کہ بی این ایم یا پلاں پارتی پلاں جاہ ۽ ساڑی انت یا پلاں جاہ ۽ نیست انت۔ اگاں ما 2008 ۽ 2005 ۽ لوٹانی پارست ۽ دیم ۽ بروایں گڑا توھماکاراں ہا وڑے لوگ ۽ ۽ کہ دیم ۽ بروانت، موبالائزیشن دیم ۽ بروت گڑا تو پد ۽ یک مز نہیں کریک ڈاؤن ۽ داوت دیگ ۽ ۽ کہ گڑا آشور بندی ۽ کشکساز (اسٹریٹیجی) مرچی کار نہ کنت۔ پرچا کہ من اولسر ۽ گوشت ہما موبالائزیشن ۽ کار کہ آجوتی ۽ نام ۽ بوتگ، راجدوستی سیاست ۽ نام ۽ بوتگ، آکار (پروسز) گول بی این ایم ۽ لیڈر شپ ۽ گول وتی کربانی ۽ مھنت ۽ آپروسز گوازیٹنگ۔

2013 ۽ بی این ایم برجاھیں ڈروشم ۽ آھگ ۽ دیم ۽ روگ دانکہ 2014 ۽ 2015 ۽ داں ہما وهد ۽ درکار بوتگ، بی این ایم ہا پالیسی ۽ پارست ۽ گراؤنڈ ۽ نشتنگ ۽ گپ ۽ دیم ۽ برگ ۽ بلوچستان ۽ آجوتی ۽ سلوگن دیم ۽ برگ۔ مرچی آپروسز ۽ زورت نہ انت کہ مردمان ۽ بہ گوش ۽ تو آجوتی لوگ ۽ ۽ نول مردم درس ۽ وت سرپد آنت، پرچا کہ ہما کار بی این ایم ۽ کرگ ۽ پیش داشتنگ۔ ایک ونڈے (پیزے) بوتگ مردمانی سرپد کنگ ۽ آتوگوازیٹنگ ۽ نول دگہ یک پیزے ۽ ۽، اے پیزے تو کجام وڑے کار کن ۽ چونیں کارمان (ٹیکٹس)، چونیں شور بندی (اسٹریٹیجی) زور ۽ آتئی سر ۽ انت۔

تئی مردم چون ۽ کجام وڑے آجاہ ۽ وتی گپ ۽ دیم ۽ برت کن آنت، تر اسرپد (موبلائز) کرت کن آنت، تراجتائیں پلیٹ پارم دات کن آنت، اے تئی سر ۽ انت تئی ہمک کار ۽ شور بندی اسٹریٹیجی ۽ سر ۽ انت۔ بی این ایم اے نہ انت کہ بی این ایم ۽ مردم، باسک ۽ ایکٹیویسٹ کربانی دیگ ۽ چہ پشت ۽ دیم بنت۔ اے وڑ نہ انت، ایش انت کہ زندگ بوگ ۽ کار کنگ کار ۽ دیم ۽ برگ وت یک کربانی یے، اگاں تو اے کار ۽ کیشل ۽ دیم ۽ برگ لوٹ ۽ گڑا ترامدام ساڑی بوگی انت۔ داں دیر ۽ ساڑی بوگی انت، ہما پالیسی، ہما گپ ۽ ٹیکٹس آنت کہ بی این ایم ۽ لیڈر شپ ۽ ماراٹگ گو تنگیں ہشت ۽ دہ سالوں ہما پالیسی ۽ سر ۽ دیم ۽ روان انت دانکہ مرچی ۽ روگ ۽ انت دیمتر ۽ جاور مٹ بنت، تئی پالیسی ۽ ٹیکٹس مٹ بوت کن آنت پد وتی آجوتی ۽ لیکہ ۽ دیم ۽ برگ ۽، بلے مرچی نہیں جاوراں تراچے درکار انت توھما یاں پیلو کنگ ۽ ۽۔

مرچی ہمے کارانی وڑء پیمء بروردانت کہ بی این ایم شریں گلےء ڈروشمء گراؤنڈء ساڑی انت کہ وتی کاراں ہم دیمء برگء انتء وتی کاڑء ہم دیمء برگء انت، آوڑء دژمنء جمء ہم آھگء نہ انت۔ ایشانی تہء یک مزنیں لڑے کہ چہ آوڑء جاوراں دلسیاء بوتگ یا پارٹیء پالیسی بوتگ انت کہ بازیں مردم شنگء ڈانسپورہء بھر بوتگ انتء دراندیھ انت، بلے اودء ہم گوں وتی کارء بی این ایمء لیکہء بندوک انت۔ ایشانی تہء یک مزنیں کچے ہما انت کہ ڈیھء ہم بی این ایمء باسک بوتگ انت کہ آھچر نہ دژمنء دیمء زور بوتگ انتء وتی کاراں یل داتگ۔

ڈانسپورہء تہء دگہ یک بلاھیں لس مردمانی کہ کچے آچہ جاوراں دلسیاء بوتگء ڈیھ ایش یل داتگ اتلگ انت، ادء بی این ایمء گوں تپاک ایش کرتگء بی این ایمء ہوار بوتگ انت۔ بی ایم آیبانی ہیلکاریء کنتء کنگء انت، آھم یک شریں کردے بیلو کنگء انت۔ ڈانسپورہء تہء ہمودء مردمانی مو بلاز کنگء بلوچستانء سروء سریدی دیگ اے یک پروسزے کہ بی این ایمء سنگتاں دیمء برتگ، دگہ بازیں پورمانی تہء روگء گپ کنگ سریدی دیگ اے یک پروسزے دیمء برگ بوتگ۔ زانشجاہء آدگہ وانگجھانی تہء بی این ایمء سنگتاں پروگرام ہم کرتگ، دیمء ہم انچیں پروگرام کن انت۔ اودء لس مردم، نودربرء ورنایانء سریدی دیگ اے پروسز انت کہ دیمء شنگ انت۔ مردم گندگء انت کہ جتائیں ڈیھانی پارلیمنٹانی باسک ہم بلوچستانء سرء گپ جنگء انت۔ آاے ہم گندگء انت کہ ہمیشانی گوں بی این ایمء کاراں سنگتانی جھداں اے مردم بلوچء کاڑء کمک کنگء انت۔ وتی ڈیھانی پارلیمنٹء تہء ہم گپ جن انت، تئی لوٹء بدء کاینٹ پہ تو ہم گپ جن انت۔ اے بی این ایمء لھتیں سو بمندی انت کہ آگراؤنڈء ساڑی انتء وتی کارء دیمء برگء انت، آمردم ڈنء ڈانسپورہء ڈروشمء ساڑی انت۔

اے جھانء ہک زربشتء تہء بوتء کہ آچہ اودء جنگء جاوراں بلاھیں مھلوکے سانمند بیت انت آوتی ڈیھاں یل کن انتء دراندیھ بنت۔ ڈانسپورہء بھر بنت، ہمودء وتی کاراں دیمء بر انت۔ اے پہ بلوچ زربشتء نوکیں گپے نہ انت، بلوچ ہما جھانء تہء وتی جنزء کاراں دیمء برگء انت۔ انچوش کہ آدگہ راجانی جنز بوتگ انت، آیانء ڈانسپورہ ہست انت، آھم سانمند بوتگ انت، ڈانسپورہ ایش جوڑ کرتگء ڈانسپورہء تہء کار ایش کرتگ، بی این ایم ہمے کارء کنگء انت۔

